

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24), a nakon provedenog postupka nabavke putem konkurentskog zahtjeva, zaključen je:

U G O V O R

Između:

1. Bosna i Hercegovina, Vijeće ministara Bosne i Hercegovine, Direkcija za evropske integracije, Đoke Mazalića broj 5, koju zastupa direktorica Elvira Habota, (u daljem tekstu: Ugovorni organ)

i

2. PRag d.o.o. Sarajevo, ulica Generala Mehmeda Alagića broj 1/4, kojeg zastupa direktorica Bajrić Almasa (u daljem tekstu: Pružalac usluga)

Član 1.

- 1) Predmet ovog Ugovora je pružanje molerskih usluga za potrebe Direkcije za evropske integracije na adresi Đoke Mazalića broj 5, Sarajevo, po ukupnoj cijeni ponude nakon provedene e - aukcije u iznosu od 29.450,00 KM bez PDV-a.
- 2) U cijenu ponude su uključeni svi troškovi potrebni za realizaciju predmetnih usluga, uključujući nabavku i transport materijala, alata, zaštitnih sredstava, radne snage.
- 3) Sastavni dio ovog Ugovora je Ponuda Pružaoca usluga od dana 09.06.2026. godine.

Član 2.

- 1) Pružalac usluga se obavezuje da će usluge iz člana 1. ovog ugovora izvršiti stručno, kvalitetno i u skladu sa pravilima struke, tehničkom specifikacijom i važećim standardima.
- 2) Pružalac usluga se obavezuje izvršiti pripremu i krećenje službenih prostorija Direkcije za evropske integracije (kancelarije, sale, hodnici i stubište) u ukupnoj površini 6113 m².
- 3) Pružalac usluga je dužan molerske usluge obaviti u najmanje dva sloja primjenom visokokvalitetne vodoperive boje za unutrašnje radove. Boja mora biti namijenjena za unutrašnje zidne površine i pogodna za kancelarijske prostore. Nijansa boje je bijela.
- 4) Pružalac usluga se obavezuje da će sve podloge za krećenje biti čiste od prašine i drugih prljavština.
- 5) Pružalac usluga se obavezuje da će završni sloj boje biti nanesen bez tragova alata i pribora, ujednačen po boji, bez mrlja, ravno i precizno izveden uz sve ivice, prekidače, utičnice i slično.
- 6) Pružalac usluga je, u slučajevima oštećenja na zidovima i plafonima, obavezan nanijeti i obraditi površinu glet masom, grundirati, nanijeti prajmer ili drugu odgovarajuća intervencija zavisno od oštećenja u ukupnoj površini 50 m².
- 7) Prije i tokom krećenja Pružalac usluga je obavezan zaštititi sve površine, uključujući podove, stolariju, prozore, vrata, namještaj i druge elemente u prostorijama predviđenim za krećenje.
- 8) Nakon završetka krećenja, Pružalac usluga je obavezan ukloniti svu zaštitu, bez oštećenja zaštićenih površina.

Član 3.

- 1) Pružalac usluga se obavezuje da raspolaže sa najmanje 4 (četiri) osobe koje će biti angažovane na realizaciji predmetnih usluga, kao i potrebnom opremom i pomagalicama za izvršenje ugovora.
- 2) Dinamika realizacije bit će utvrđena dogovorom ugovornih strana na licu mjesta.
- 3) Rok za izvršenje iznosi 30 (trideset) dana od dana obostranog potpisivanja ovog ugovora.

4)Krajnji rok za završetak ugovorenih molerskih usluga može se produžiti isključivo zbog vanrednih okolnosti, odnosno nastanka više sile koje se nisu mogle predvidjeti u trenutku zaključenja ugovora. Produženje roka bit će odobreno za onoliko vremena koliko je trajao uticaj više sile, izmjene obima posla ili eventualnih naknadnih radova.

5) Nakon izvršenih molerskih usluga, ugovorne strane će izvršiti pregled izvedenih radova te sačiniti i potpisati zapisnik o uredno izvršenim uslugama. Zapisnikom će se konstatovati da su usluge izvršene u skladu sa ugovorom, tehničkom specifikacijom i pravilima struke, odnosno evidentirati eventualni nedostaci i rok za njihovo otklanjanje.

Član 4.

1)Pružalac usluga se obavezuje da će poštovati kućni red u objektu u kojem obavlja poslove, neće proizvoditi nepotrebnu ili neuobičajnu buku, svjetlost, toplotu i sl., te će obavještavati Ugovorni organ o svim drugim okolnostima bitnim za izvršavanje poslova predviđenih ovim Ugovorom.

2)Pružalac usluga odgovara za štetu nastalu usljed nepažnje ili nesvjesnog rada bez obzira da li je ista nastupila radom Pružaoca usluga ili osobe koje je isti angažovao radi obavljanja poslova utvrđenih ovim Ugovorom.

3)Pružalac usluga se obavezuje da će da koristi HTZ opremu i poštuje propise zaštite na radu.

Član 5.

1)Pružalac usluga se obavezuje na nepromjenjivost ponuđene cijene tokom cijelog ugovornog perioda.

2)Ugovorni organ će izvršiti plaćanje u roku od 15 (petnaest) dana od dana prijema uredno ispostavljene fakture, uz uslov da je prethodno potpisan zapisnik o uredno izvršenim uslugama kojim je potvrđeno da su usluge izvršene u skladu sa ugovorom i tehničkom specifikacijom.

Član 6.

1)Ovaj Ugovor se može raskinuti na osnovu sporazuma ugovornih strana.

2)Ovaj Ugovor može se raskinuti i jednostrano i to iz sljedećih razloga:

a) u slučaju da druga ugovorna strana ne ispunjava obaveze iz ugovora u utvrđenim rokovima i na utvrđeni način;

b) ako poslije zaključenja ugovora nastupe okolnosti koje otežavaju ispunjenje obaveza jedne od ugovornih strana;

c) drugih razloga u skladu sa važećim zakonima.

3) Ugovorna strana koja pokreće postupak za raskid ugovora iz razloga navedenih u stavu 2) ovog člana ugovora, obavezna je prije podnošenja zahtjeva za raskid ugovora dostaviti pisanu opomenu drugoj ugovornoj strani o neizvršavanju obaveza, sa dodatnim rokom za ispunjenje tih obaveza.

4) Dodatni rok iz prethodnog stava ovog člana Ugovora ne može biti duži od 15 (petnaest) dana. U slučaju da ugovorna strana koja ne ispunjava obaveze iz Ugovora u utvrđenim rokovima i na utvrđeni način, i ni u dodatno ostavljenom roku ne ispuni svoje obaveze iz ugovora, ovaj Ugovor će se smatrati raskinutim.

Član 7.

1)Ovaj Ugovor se zaključuje na određeni period do potpunog izvršenja obaveza obje ugovorene strane, a najduže do dana 30.10.2026. godine.

2) Ovaj Ugovor stupa na snagu danom potpisivanja obje ugovorne strane.

3)Odredbe ovog Ugovora se ne mogu mijenjati nakon njegovog zaključenja.

Član 8.

1) Na pitanja koja nisu uređena ovim ugovorom primjenjuju se odredbe Zakona o obligacionim odnosima.

2) Eventualno nastale sporove pri realizaciji ovog Ugovora ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 9.

Ovaj ugovor je sačinjen u 4 (četiri) istovjetna primjeraka, pri čemu svaka ugovorna strana zadržava po 2 (dva) primjerka.

Pružalac usluga
Direktorica
Bajrić Almasa

Broj: U-163/26

Datum, 22.7.2026



Ugovorni organ
Direktorica
Ejvara Habota

Broj: 05-JN1-16-4-TB-40-44/26

Datum, 22.07.2026. godine

